



Blokirana je višemilionska imovina

Pretrasi na 28 lokacija

U međunarodnoj akciji u kojoj je učestvovala i BiH predstavnici tužilaštava i agencija za provođenje zakona prikupljaju dokaze za procesuiranje osumnjičenih za pranje novca putem ulaganja u nekretnine u nekoliko zemalja. Istražitelji pretpostavljaju da novac potiče od krijumčarenja droge.

“Međunarodna mreža osoba osumnjičenih za pranje novca identifikovana je radom institucija Holandije, Belgije, Španjolske, Slovenije i BiH, uz pomoć i suradnju EUROJUST-a i EUROPOL-a”, saopćeno je iz Tužilaštva BiH.

U Mrkonjić-Gradu i Sarajevu pretreseno je ukupno 28 lokacija, kuća, stanova i preduzeća u operaciji nazvanoj Balkanski kartel. Pod istragom su braća Mirza i Ervin Gačanić iz Sarajeva, kojima je **STPA** blokirala račune od 426.721,31 KM. Oni su, navodno, nedostupni organima gonjenja. Istovremeno, akcija je isti dan realizirana i u Holandiji, Belgiji, Sloveniji i Španjolskoj.

- Prilikom izvođenja akcije u svim državama, blokirana je imovina u višemilijunskoj vrijednosti, za koju se sumnja da je pribavljena krivičnim djelima, stoji u saopćenju. **Z. Đ.**